

解州全志卷之二 安邑縣

山川

中條山縣南二十里西連蒲坂東接太行橫亘數百里
其在縣境者西自分雲嶺與解州接壤東至青石槽
與平陸連界中間絕巘奇峰如揖如拱天然圖畫實
爲鍾靈孕秀之所

玉鈎山縣東北一十五里峭峰環曲草木菁蔥形如玉
鈎故名有夏名臣關龍逢墓

栢王山縣東北六十里山多古栢故名

鳴條岡縣北三十里東西帶暎勢若游龍帝舜陵在焉

解州全志

卷之二

安邑縣 山川

一

孟子所稱卒於鳴條卽此處

峨嵋嶺縣北四十五里上多平壤有民居焉

分雲嶺卽中條最高處嶺上出雲東西分布世傳尸鹽
澤者也山頂舊有分雲祠今廢

風谷洞在分雲嶺西形若半井投葉卽飛其風出則飛
沙拔木

鹽風洞在風谷洞旁洞口若盆仲夏應候風出聲隆隆
然谷口舊有風神祠今廢

天井峪在風洞上四面陡絕一徑透巔
車輞峪在分雲嶺東兩山夾路盤礴多奇

二郎峪在車輞峪東山有仙跡中多巖竇古洞

虞坂在二郎峪東五里南北大道石崖險峻車不方軌
今名青石槽鹽政張公士隆鑿修戰國策昔騏驎駕
鹽車上虞坂遷延負轅而不能進喻時青石槽詩青
石虞坂小蓬萊又王思誠詩驥負鹽車逢伯樂卽此
地也

鹽池卧條山之陰縣治踞池陽之東偏運城居其中縱
約八里橫五十里深可數仞西連解境池內中場第
九舖南對小灣子卽解安分界詳見運城志

涑水河源出絳縣橫嶺山乾洞距縣北三十五里上接

解州全志

卷之二

安邑縣 山川

二

聞喜夏縣下經猗氏臨晉西入五姓湖過孟明橋入
黃河一名絳水卽智伯所謂可以灌安邑者也統計
河身長八十七里在縣境者四十七里唐正觀中刺
史薛萬所開歷代修濬 國朝乾隆十一年大濬安
邑以上岸高河寬不致淤塞一入蒲州猗氏境河身
淺窄矣

姚暹渠古名永豐渠隋大業間都水監姚暹重濬更今
名源出夏縣巫咸谷舊經縣城內明隆慶四年縣令
袁弘德改由城北西入五姓湖達黃河統計渠長一
百二十里在安邑者東起苦橋西迄莊頭橋計長三

十四里河渠南岸俱有堤堰築堰濬渠俱係鹽法歲修商捐辦理乾隆十九年二十七年屢次修濬北岸惟劉家新橋以下始有土堰係傍堰地主修築民力難支請動公項培厚可資鞏固

青石泉縣東南三十里出中條山由青石槽經東郭入黑龍潭

車輞泉縣南二十里出中條山車輞峪中

湧金泉縣東南十餘里源出夏縣墻下村西入黑龍潭玉鈞泉在玉鈞山下水光澄澈如鏡一名玉女泉南入

姚暹渠

解州全志

卷之二

安邑縣 山川

三

黑龍潭縣東南十五里與池相隣深不可測瀦水黑色或曰鹽池利害亦係此水故以堰防之詳見運城志東郭灘縣東南十餘里其地數十頃有大堰不許開種苦池灘縣東一十三里夏縣東山巫咸谷諸水皆西匯於此以達姚暹渠

渠堰

黑龍堰自東郭北抵任村防條山磨兒盤窰子溝界灘諸水衝決鹽池

璧水堰自聖惠鎮抵界村防黑龍堰潰決

東禁堰在聖惠鎮南與璧水堰相隣防東灘諸水

雷鳴堰在東郭村南

常家月堰蝦蟆堰俱在西姚村

小李村堰大李村堰西姚村東南堰俱防中條山一帶
諸水

新堰沈家堰申家堰白家堰匙尾堰俱在湯里村

備水月堰河北小月堰河南小月堰俱在苦池村

小堰在界村西北

七里堰在張村俱防東灘諸水

涑水堤在北相鎮北

解州全志

卷之二

安邑縣

山川

四

風俗

安邑舊志云克勤克儉夏后遺風其民力耕耘勤紡績
士淳而務孝弟特近鹵之區頗趨鹽利習爲侈靡民
俗剛悍健訟喜事至人物科第蟬聯踵起閭閻相望
甲於全郡蓋亦自古帝王都也

解州全志

卷之二

安邑縣

風俗

五

物產

池鹽

池在解州安邑間史記貨殖傳猗頓用鹽鹽起註曰
鹽鹽河東大鹽也皓潔甘鹹味勝飴鹽柳宗元稱爲
國之大寶

葡萄

縣北諸村多有之士人種葡萄如種田架不及肩青
虬元珠應接不暇惟杜村近杜康祠者尤佳釀以爲
酒甘於麴蘖善醉而易醒其圓者名草龍珠長者名
馬乳白者名水晶黑者名紫葡萄漢書作蒲桃

解州全志

卷之二

安邑縣 物產

六

棗

漢文帝詔羣臣曰棗味美者莫若安邑御棗爾雅註
御棗甘美輕脆後衆棗熟卽今所謂撲落酥也漢書
安邑千株棗與萬戶侯等舊名相里棗晉郭義恭廣
志河東安邑棗長二寸明初督民種棗以三百二十
三株上供歲徵鈔六十四錠有奇赴平陽交納其不
種者戍之令初下民踴躍棗林櫛比獲利滋多後民
窮胥伐爲薪道旁坊表題曰御棗千株今猶存

海榴

一名天漿楊廷秀詩霧縠作房珠作骨水晶爲粒玉

為漿山西通志出安邑者佳

鴛鴦

李義山詩池塘漸暖蒲堪結兩兩鴛鴦護水紋義山
久居晉故引之山西通志出安邑東郭灘

解州全志

卷之二

安邑縣

物產

七